

ახალი სარასხული

№408 (16) 25 ნოემბერი, 2019 წ.

სარაგაული 2020 წლის ბიუჯეტის პროექტის საჯარო განხილვა მოხდა

სარაგაულის მთავარი საფინანსო დოკუმენტი 2020 წლის ბიუჯეტის პროექტი და ამასთანავე, 2020-2023 წლების პრიორიტეტების დოკუმენტი მზადაა.

მუნიციპალიტეტის მერმა ნიკოლოზ თოფურაძემ მერიის საფინანსო სამსახურის უფროსს, ვლადიმერ გელაშვილთან და სამსახურის თანამშრომლებთან ერთად, ბიუჯეტის პროექტი და პრიორიტეტების დოკუმენტი საჯარო განხილვის ფორმატში ადგილობრივ მოსახლეობას გააცნო. შეხვედრას მერის მრჩეველთა საბჭოსა და გენდერული თანასწორობის საბჭოს წევრები დაესწრნენ.

2020 წლის ბიუჯეტი 452 200 ლარით გაიზარდა და 8 178 000 ლარით განისაზღვრა (2019 წლის დამტკიცებული ბიუჯეტი 7 725 800 ლარს შეადგენდა).

შეხვედრა კითხვა-პასუხის რეჟიმში მიმდინარეობდა. საზოგადოებამ დაასახელა რამდენიმე

ბინიანი სახლების ფასადებისა და სადარბაზოების მოწესრიგებაზე და სხვა მნიშვნელოვანი საკითხები.



პრიორიტეტული საკითხი. იმსჯელებს დაბის იერსახის მოწესრიგებაზე, წყალანიერების სისტემის მოწყობაზე, სტიქიური ნაკავასაყრელების ლიკვიდაციაზე, მრავალ-

ზე, რომელთა ასახვაც ეტაპობრივად მოხდება ადგილობრივ ბიუჯეტში.

მერიის საფინანსო-საბიუჯეტო სამსახურის უფროსმა ვლადიმერ გელაშვილმა დეტალურად

ისაუბრა ბიუჯეტის შემოსავლებსა და ხარჯვით ნაწილზე. ხარაგაულის მერმა ნიკოლოზ თოფურაძემ გასცა ინფორმაცია მერიის სარეზერვო ფონდიდან დაფინანსებულ პროექტებზე, ასევე განმარტა, რომ დაბა ხარაგაულის კეთილმოწყობა დაიწყება მას შემდეგ, რაც შიდა სახელმწიფოებრივი მნიშვნელობის გზის მშენებლობა დასრულდება.

საუბარი შეეხო დაბაში მიმდინარე ინფრასტრუქტურულ პროექტებს, რომლებიც რიგი მიზეზების გამო შეჩერებულია. მერიის ინფორმაციით, წელს 15 არაკეთილსინდისიერ მენარმეს შეწყდა ხელშეკრულება, რაც იმის გარანტიაა, რომ ეს კომპანიები ტენდერებზე ვეღარ შემოვლენ. როგორც ნიკოლოზ თოფურაძემ

განმარტა, აღნიშნული პროექტები წლის ბოლომდე დასრულდება და შეფერხებისთვის მოსახლეობას ბოდიში მოუხადა.

ქონების მართვისა და ეკონომიკის სამსახურის უფროსმა, ჯაბა ბერაძემ, ქონების გადასახადიდან შემოსულ გაზრდილ შემოსავლებზე ისაუბრა.

2020 წლის ბიუჯეტის პროექტი და 2020-2023 წლების პრიორიტეტების დოკუმენტი საკრებულოს უკვე წარედგინა.

მუნიციპალიტეტის საკრებულომ შენიშვნების არსებობის შემთხვევაში პროექტი მერიაში 25 ნოემბრამდე უნდა დააბრუნოს. მერია ბიუჯეტის შესწორებულ ან იგივე ვარიანტს, საბოლოოდ, საკრებულოში 10 დეკემბრამდე აგზავნის.

2020 წლის ბიუჯეტი 20-28 დეკემბრამდე უნდა დამტკიცდეს.

ლაშეში დროებითი ხიდის მონტაჟი მიმდინარეობს

სარაგაულის მუნიციპალიტეტის სოფელ ლაშეში, მდინარე ჩხერიმელაზე, დროებითი ხიდის მონტაჟი მიმდინარეობს. სამი სოფლის დამაკავშირებელი ხიდი მიმდინარე წლის ივნისში მოსული ძლიერი წვიმების შედეგად მწყობრიდან გამოვიდა.

ახალი ხიდის მშენებლობისთვის ხარაგაულის მერიამ თანხა საქართველოს მთავრობისგან მიიღო.

პროექტი გარდამავალია და ხიდის მშენებლობა ნახევარ მილიონ ლარზე მეტი დაჯდება.

მერია ხიდის მშენებლობისთვის ტენდერს უახლოეს დღეებში გამოაცხადებს.

დროებითი ხიდის მოწყობის სამუშაოებს ჩინური კომპანია ასრულებს, რომელიც ხარაგაულის ტერიტორიაზე რკინიგზის მოდერნიზაციის პროექტის ფარგლებში გვირაბების მშენებლობას ასრულებს.

ხარაგაულში საზოგადოებრივი ცენტრი მშენდება

დაბა ხარაგაულში, სპორტ-დარბაზის მიმდებარე ტერიტორიაზე, საზოგადოებრივი ცენტრი მშენდება. სამშენებლო სამუშაოების მიმდინარეობას ადგილზე გაეცნო მუნიციპალიტეტის მერი ნიკოლოზ თოფურაძე. როგორც ხარაგაულის მერმა აღნიშნა, პროექტის მთავარი იდეა სახელმწიფო სერვისების მოქალაქეებამდე მიტანა და რაიონების გაძლიერებაა. „ახალი საზოგადოებრივი ცენტრი მოსახლეობას შესაძლებლობას მისცემს, საჭირო მომსახურებები, ადგილიდან გაუსვლელად, კომფორტულ პირობებში მიიღონ. მისასალმებელია, რომ ახალგაზრდებს ექნებათ საშუალება, ისარგებლონ თანამედროვე ბიბლიოთეკითა და უფასო ინტერნეტით,“ - განაცხადა ნიკოლოზ თოფურაძემ.

აღსანიშნავია, რომ საზოგადოებრივი ცენტრში საჯარო და კერძო სექტორის 200-ზე მეტი სერვისით სარ-

მადსტარებული დოკუმენტის მიღება, ქონების რეგისტრაცია და საბანკო მომსახურებით სარგებლობა ადგილზე



გებლობა იქნება შესაძლებელი. მოსახლეობას დაბადების მონომობისა და პირადობის და-

შეძლებს. ცენტრში იმუშავებს უფასო ინტერნეტი, კომპიუტერები და ვიდეოკონფე-

რენციის აპარატურა.

საზოგადოებრივი ცენტრში უახლესი ტექნიკით აღჭურვილი ბიბლიოთეკაც განთავსდება, სადაც ელექტრონულ წიგნებთან ერთად ბეჭდური გამოცემებიც იქნება დაცული. მოეწყობა საკონფერენციო დარბაზი, სადაც მოსახლეობა შეხვედრების გამართვას შეძლებს. ასევე განთავსდება მუნიციპალიტეტის მერიის წარმომადგენლის მისაღები ოთახიც.

პროექტის ღირებულება 682 100 ლარია. სამუშაოს სს სამშენებლო სანარმო გაერთიანება „იმერეთი“ ასრულებს.

საზოგადოებრივი ცენტრის მშენებლობა ხარაგაულში 2020 წლის ივნისში დასრულდება.

აღნიშნული ცენტრი მუნიციპალიტეტში რიგით მეოთხეა.

ვერცხვიჭალასა და სალანძილეში ახალი სალანძილეები ახალი საბავშვო ბაღები აშენდება



„ვერცხვიჭალასა და სალანძილეში ახალი საბავშვო ბაღების მშენებლობა იწყება. მუნიციპალური განვითარების ფონდის წარმომადგენელმა კახა ლლონტამ მშენებელი კომპანიის სს „იმერის“ დირექტორთან და მერიის ქონების მართვის სამსახურის უფროსს, ჯაბა ბერაძესთან, ერთად მშენებლობისთვის განკუთვნილი ტერიტორია დაათვალიერა. შეხვედრაზე დეტალურად განიხილეს პროექტი და აღნიშნეს, რომ სკოლამდელი დაწესებულების ახალი, თანამედროვე სტანდარტების, შენობის მშენებლობა ვერცხვიჭალაში ნოემბრის ბოლოს აქტიურ ფაზაში შევა.“

ლალის ჯეინისტრასიულ ერთაული უფასო სალანძილეო აქცია რატარა

სარაგაულის რეგიონალური ჯანდაცვის ცენტრის ინიციატივით, ლელვინის ადმინისტრაციულ ერთეულში უფასო სამედიცინო აქცია გაიმართა. აქციის ფარგლებში, პაციენტებს სხვადასხვა დარგის მაღალკვალიფიციური ექიმები (კარდიოლოგი, თერაპევტი, ენდოკრინოლოგი, გინეკოლოგი, ექოსკოპისტი) მოემსახურნენ. საჭიროებისამებრ, მათ ასევე ჩაუტარდათ კარდიოლოგიური და ლაბორატორიული გამოკვლევები, რომელიც ლელვინის ამბულატორიაში მთელი დღის განმავლობაში მიმდინარეობდა.

აქციაზე იმყოფებოდა ხარაგაულის მუნიციპალიტეტის საკრებულოს თავმჯდომარე მანანა ბარბაქაძე, რომელმაც აღნიშნა, რომ მსგავსი ტიპის ღონისძიებები მნიშვნელოვანია ადგილობრივი მოსახლეობისათვის. „მოქალაქეებმა სამედიცინო კონსულტაცია წამყვან სპეციალისტებთან ადგილზე მიიღეს. თუკი მათ დამატებითი კვლევები დასჭირდებოდათ, შესაბამის დაწესებულებაში გადამისამართდებიან. მუნიციპალიტეტში ჯანდაცვაზე ხელმისაწვდომობა შესაძლებელია, რაიონში ფუნქციონირებს მაღალი სტანდარტების



შესაბამისი კლინიკა,“ - აღნიშნა საკრებულოს თავმჯდომარემ. სამედიცინო შემომწება ლელვანში მცხოვრებ 80-მდე მოქალაქეს ჩაუტარდა. აღსანიშნავია, რომ უფასო გამოკვ-

ლევები ეტაპობრივად მუნიციპალიტეტის სხვა ადმინისტრაციულ ერთეულებშიც გაიმართება.

გვერდი მოამზადა ეკა შავიძემ

ქიფი უკეთი ალიაჩევა და წაჩეაშევა

-ნამდვილად არ გაიზომება იმ სიხარულისა და მასთან შერწყმული სიამაყის ძალა, როცა შენი ქვეყნიდან შორს იმყოფები უცხო საზოგადოებაში და საზეიმო კონცერტზე მოსწავლე იმ სამუსიკო სკოლისა, რომელსაც შენ ხელმძღვანელობ, ნიჭიერებითა და შრომისმოყვარეობით ღირსეულად წარმოაჩენს თავის სამკვიდროს, თავის სკოლასა და იმ პედაგოგთა ღვაწლს, რომლითაც ის მიზანმიმართულად ეუფლება ხელოვნების ამ დიდებული სფეროს საიდუმლოებებს, - გაბრწყინებული სახით მესაუბრება უმშვენიერესი ბალტიისპირეთიდან, ლიეტუვას ქვეყნიდან ვიზიტის შემდეგ, თავის მოსწავლესთან ერთად მშვიდობიანად და წარმატებულად დაბრუნებული ხარაგაულის შოთა ბუაჩიძის სახელობის სამუსიკო სკოლის დირექტორი ქალბატონი ლალი ალექსიძე.

-საოცარი გრძობა დამეუფლა, - განაგრძობს რესპონდენტი - როცა ქალაქ ტაურაგეს მუსიკალურ ცენტრში ჩვენი სკოლის VI კლასის მოსწავლე მარიამ ხაჩიძე (პედაგოგი დარეჯან გვაძაბია) ქალაქ შიპულაის კამერულ ორკესტრთან ერთად დაუკრა ზდენეკ ფიბიხის „პოემა“ და დასრულებისთანავე მონონება - ალტაცების ნიშნად აპლოდისმენტების ზღვამ დაფარა კდე-მამოსილი თავმდაბლობით გამოხატული გოგონას სამადლობელი...

პირადად ჩემთვის იმ ნუთების მიღებული ემოციის სიტყვებით გამოხატვა შეუძლებელია. კამერულ ორკესტრს ხელმძღვანელობდა ცნობილი ლიტველი მევიოლინე და დირიჟორი ვილჰელმ ჩეპკინსკი.

კონცერტის შემდეგ დირიჟორმა ჩეპკინსკიმ და დამსწრე ცნობილ მუსიკოსთა შეფასებამ ცხადყო, თუ როგორი შთაბეჭდილება და სასიამოვნო იყო მოსწავლის მიერ შესრულებული აღნიშნული ნაწარმოები...

ასევე წარმატება ხვდა წილად ქალაქ ზეს-



ტაფონის რევაზ ლალიძის სახელობის სამუსიკო სკოლის მოსწავლე ანასტასია ჯაფარიძეს (პედაგოგი ნინო წერეთელი), რომელმაც შეასრულა ჰაიდინის კონცერტის პირველი ნაწილი. ქალბატონი ლალი და დიდი კმაყოფილებით საუბრობს მარიამ ხაჩიძის ყოფაქცევაზე, თავდაჭერილობაზე, უფროსებთან ურთიერთობის მაღალ კულტურაზე და აღნიშნავს, რომ ეს ყველაფერი ოჯახიდან, აღზრდიდან მოდის, რაც ძალზე სასიხარულოა.

ყველაფერი განსაზღვრა ხალხთა შორის მეგობრული ურთიერთობისა და სიყვარულის ყოვლისმომქმე ძალამ. 2015 წლის დეკემბერში ხარაგაულის სამუსიკო სკოლას ეწვივნენ კოლეგები ტაურაგეს სამუსიკო სკოლიდან და მათ შორის გაფორმდა მეგობრობისა და თანამშრომლობის მემორანდუმი. მსგავსი მემორანდუმი ადრე გაფორმებული ჰქონდათ ზესტაფონის რევაზ ლალიძის სახელობის სამუსიკო სკოლასთან.

ქალბატონმა ლალი სიამოვნებით აღნიშნა, რომ ხარაგაულისა და ტაურაგეს სკოლების დამეგობრებაში დიდია ხარაგაულის მუნიციპალიტეტის საკრებულოს იმჟამინდელი თავმჯდომარის, ქალბატონი ინგა მალრაძის, ძალისხმევა. ამ ფაქტს განსაკუთრებით გაუსვავს ხაზი მომხსენებელმა ტაურაგეში საზეიმო საღამოზე და დიდი მადლიერება გამოხატა ქალბატონი ინგას მიმართ.

სწორედ ამ ურთიერთობიდან გამომდინარე, იქნა მიწვეული ხარაგაულის სამუსიკო სკოლა ტაურაგეს სკოლის სამოცდახუთი წლის იუბილესთან დაკავშირებით. მეორე კონცერტი სწორედ ამ სკოლაში გაიმართა და მარიამმა ხაჩიძემ შეასრულა დავით ტურიაშვილის „ანდანტე - მაესტრო“ და ალბენისის „პრელუდია“.

- ამაღლებული იყო დაჯილდოების ცერემონიალი, რომელსაც უშუალოდ ესწრებოდა ქალაქ ტაურაგეს მერი და ადგილობრივი ხელი-სუფლების ცნობილი პირები.

გამორჩეული და განსაკუთრებული იყო მასპინძელთა დამოკიდებულება ჩვენ მიმართ. ცდილობდნენ თავი შინაურ ატმოსფეროში გვეგრძნო და თანაც გაგვეცნო ყველაფერი ის, რაც მათს წარსულს, აწმყოსა და მომავალს უკავშირდება. დაგვათავლიერებინეს ღირსშესანიშნავი ძეგლები, რამაც ჩვენზე დიდი შთა-

ბეჭდილება მოახდინა. მუსიკა, ხელოვნება გვიადვილებს ურთიერთობებს, რადგან იგი საერთაშორისო ენაა. აქედან გამომდინარე, ენის ბარიერს სრულიადაც არ შეუშლია ხელი, რომ მასპინძლებს ჩვენთან ერთად ემღერათ რევაზ ლალიძის „თბილისი“ და ჩართულიყვნენ ქართულ ცეკვებში. - აღნიშნა ქალბატონმა ლალი.

რასაკვირველია, გამარჯვება და წარმატება იოლად არ მოდის. ხარაგაულის სამუსიკო სკოლის პედაგოგიური კოლექტივი პროფესიონალიზმითა და მოწოდებით მუდამ მზადაა, რომ მშვენიერებისაკენ სწრაფვის სურვილი გაუძლიეროს აღსაზრდელებს. ამის დასტურია ის უამრავი ჯილდო - სიგელი, რაც მიღებული აქვთ მოსწავლეებს ქვეყნის შიგნით, თუ ქვეყნის საზღვრებს გარეთ კონკურსებსა და ფესტივალებში აქტიური ჩართულობით. სკოლის ყველა წარმატებაში დიდია კონსულტანტ თამაზ ვასაძის დამსახურება.

ლალი სვანით - ხაჩიძე (მარიამ ხაჩიძის მშობელი): - მინდა, დიდი მადლობა გადავუხადო სამუსიკო სკოლის პედაგოგიურ კოლექტივს, მათს ღირსეულ წინამძღოლს, ქალბატონ ლალი ალექსიძეს. როგორც მშობელმა, განსაკუთრებული მადლობა ვუთხრა დარეჯან გვაძაბიას. მისმა განუზომებელმა სიბრძნით, პროფესიონალიზმმა და პედაგოგიურმა ტაქტმა განსაზღვრა ჩემი გოგონას წარმატება. სამომავლო დღეებს დავულოცავ ამაგდარ პედაგოგებს და ვუსურვებ, რომ არასდროს მოკლებულეთ თავდადებული შრომის საზღაური - მოსწავლეთა წარმატებები.

სიამოვნებით ვუერთდები მშობლის შეფასებას და წარმატებულ სვლას ვუსურვებ მომავლის გზებზე ჩვენი მოსწავლე - ახალგაზრდობის ესთეტიკური აღზრდის ამ თვალსაჩინო კერას!

მერი გიორგიძე

ლაშეში 100 მილიონი წლის წინანდელი მოლუსკები აღმოაჩინეს



ხარაგაულის მუნიციპალიტეტის სოფელ ლაშეში შიდა სახელმწიფოებრივი მნიშვნელობის გზის მშენებლობის პროცესში, მსხვილმარცვლოვან პერლითან ქვიშაქვებში ქვედა ცარცული პერიოდის (დაახლოებით 100-113 მილიონი წელი) ნამარხი თავფეხიანი მოლუსკები - ამონიტები (Ammonite) აღმოაჩინეს.

მშენებლები ხარაგაულის მუნიციპალიტეტის მერს, ნიკოლოზ თოფურიძეს, დაუკავშირ-

დნენ, რის შემდეგაც ისტორიული მუზეუმის მოწვევით ლაშეში პალეონტოლოგიისა და პალეობიოლოგიის კვლევითი ინსტიტუტის ხელმძღვანელი თენგიზ მუშველიანი, გეოლოგია-პალეონტოლოგიის ფონდის მთავარი კურატორი რუსუდანი ჩაგელიშვილი და ფონდის მეცნიერ-თანამშრომელი, გეოლოგი და პალეონტოლოგი, ნიკა ვანიშვილი, ჩამოვიდნენ.

არქეოლოგიურმა ექსპედიციამ ადგილზე დაათვალიერა აღმოჩენილი მოლუსკები, აიღეს ქანები და დაადგინეს, რომ ისინი ქვედა ცარცული პერიოდისაა.

ცარცული პერიოდი 135-137 მლნ. წლის წინათ დაიწყო და, დაახლოებით, 70 მლნ. წელი გრძელდებოდა.

აღმოჩენილი ამონიტები ხარაგაულის ისტორიულ მუზეუმში განთავსდება.

სარაგაულე წარჩინებულ მოსწავლეს ცხტოპები გადაეცათ



საქართველოს განათლების, მეცნიერების, კულტურისა და სპორტის სამინისტროს ინფრასტრუქტურის განვითარების სააგენტო ყოველწლიურად ახორციელებს პროგრამას „ჩემი პირველი კომპიუტერი“, რომლის ფარგლებშიც ის მოსწავლეებს, რომლებმაც საბაზო საფეხური (მე-7, მე-8 და მე-9 კლასები) მაღალი აკადემიური მაჩვენებლებით დაასრულეს, პორტაბელური კომპიუტერებით ჯილდოვდებიან. მიმდინარე წელს, ზემოსენებული პროგრამის ფარგლებში, ხარაგაულიდან 31 მოსწავლე დაჯილდოვდა.

გთავაზობთ სიას იმ მოსწავლეებისა, რომლებმაც ლეპტოპები საჩუქრად მიიღეს:

დაბის N2 საჯარო სკოლა - საბა მესხი, ელენე ჭყოიძე, ქეთი დავაძე, გვანცა მაღლა-

ფერიძე, ელენე ტალახაძე, გვანცა ყრუაშვილი;

დაბის N3 საჯარო სკოლა - ელენე ჩიჩილიძე, ლიზი კურტანიძე, ქეთევან ლაცაბიძე, გურამ ლურსმანაშვილი;

ბაზალეთის საჯარო სკოლა - კესო ჩხიკვაძე;

ბორითის საჯარო სკოლა - მარიამ რიკაძე; ბორის საჯარო სკოლა - ნანუკა წინილაშვილი, თამარ ჭანკოძე, თაკო სხილაძე;

ვარძის საჯარო სკოლა - ნინო კოჩაძე; ვერტყვიჭალის საჯარო სკოლა - ნათია გოგოლაძე;

ზვარის საჯარო სკოლა - ცოტნე თიკანაშვილი, თემიკო მაღლაკელიძე;

კიცხის საჯარო სკოლა - ანა გოდიბაძე; მარელების საჯარო სკოლა - ნინო ყიფიანი, ლუკა ცისკაძე, მარი ქურდაძე;

მოლითის საჯარო სკოლა - მარიამ ყრუაშვილი;

სადანძილის საჯარო სკოლა - ნიკა კენაძე; ხევის საჯარო სკოლა - დავით ტაბატაძე;

ხიდრის საჯარო სკოლა - გიორგი ლელაძე, ლუკა გაგოშიძე, ლევან კაციტაძე;

ხუნევის საჯარო სკოლა - ნინო ლომიძე, ეკა ლომიძე.

ფონდმა „ტასომ“ ხარაგაულში რამდენიმე პროექტი დააფინანსა



პროექტის ფარგლებში „ერთობლივი ძალისხმევა ქალთა ეკონომიკური განვითარებისთვის“ ხარაგაულის მერ ნიკოლოზ თოფურიძესთან შეხვედრა გაიმართა.

პროექტს ფონდი „ტასო“ გაეროს ქალთა ორგანიზაციასთან ერთად ახორციელებს, რომლის ბენეფიციარია ხარაგაულის მუნიციპალიტეტის სოფელ თეთრანწყაროს ქალთა თვითდახმარების ჯგუფი „იასამანი“.

გამართული შეხვედრის მიზანი თვითდახმარების ჯგუფისა და ადგილობრივი თვითმმართველობის წარმომადგენელთა

თანამშრომლობა გახლდათ.

ჯგუფის წევრებმა სათემო საჭიროებებსა და იმ გამოწვევებზე ისაუბრეს, რომლებიც, სოფლის მოსახლეობის გამოკითხვის შედეგად, უპრობლემოდ გამოყვეს. მათი მიზანია, ყოველივე გათვალისწინებულ იქნეს მომავალი წლის ბიუჯეტში.

ძირითადად საუბარია, სასამელო წყლის, შიდა გზებისა და გარე განათების სისტემის მოწესრიგებაზე ასევე გამოიკვეთა სანაგვე ურნების დამატების საჭიროება.

მნიშვნელოვანია, რომ ჯგუფის წევრებმა უკვე მიიღეს მონაწილეობა ფონდი „ტასოს“ მიერ გამოცხადებულ კონკურსში და დაფინანსდა სამი პროექტი: სოკოს წარმოება სასათბურე პირობებში, საპნისა და თაფლის წარმოება.

პროექტის „ერთობლივი ძალისხმევა ქალთა ეკონომიკური განვითარებისთვის“ მიზანია გენდერული ბიუჯეტების დანერგვის ხელშეწყობა და მოქალაქეთა ჩართულობა ადგილობრივი ბიუჯეტისთვის პროცესში.

კაა შავიძე

სოსთაჩეხა რეჟისორი ოჯახის საშუალო მშენებელი გახდა

ხარაგაულში მცხოვრებ სოციალურად დაუცველ ოჯახებს დაბის ადმინისტრაციულ ერთეულში მერის წარმომადგენელმა ბაქარ ბარბაქაძემ საშუალო მერქანი გადასცა. სათბობი შეშის შექმნა შეჭირვებული ოჯახებისათვის მერიის ჯანდაცვისა და სოციალურმა სამსახურმა უზრუნველყო. ზამთრის მარაგი ამ ეტაპზე 24-მა ოჯახმა მიიღო. ხარაგაულის მერია, შემოსული განცხადებების საფუძველზე, კვლავ განაგრძობს მოსახლეობის საშუალო მერ-



ქნით უზრუნველყოფას. საშუალო მერქანი გადაცემა ეტაპობრივად მოხდება.

ლეღვის ცენტრალური გზა ნოემბრის ბოლოს აღდება

ივნისის სტიქიით დაზიანებული სოფელ ლეღვის ცენტრალური გზის ერთი მონაკვეთი აღდგენილია. დასრულდა ნაპირსამაგრი გაბიონის მშენებლობა და გზის სავალ ნაწილზე მოეწყო ბეტონის საფარი. სამუშაოები 137 000 ლარით დაფინანსდა. ინტენსიურად მიმდინარეობს

გზის მეორე მონაკვეთის აღდგენა. ამჟამად ეწყობა მდინარე ლეღნულას სანაპიროზე საყრდენი კედელი, რომლის დასრულების შემდეგაც დაზიანებულ მონაკვეთზე დაიგება ბეტონის საფარი. სამუშაოები ნოემბრის ბოლოს დასრულდება და სოფელ ლეღვის ცენტრალური გზა სრულად

აღდება. გზის მეორე მონაკვეთის მშენებლობა სტიქიის ფონდიდან 398 000 ლარით დაფინანსდა.

დაიწყო ასევე მდინარე ლეღნულაზე ახალი ხიდის მშენებლობა, რომელიც სოფლის ცენტრს საჯარო სკოლასთან აკავშირებს.

პროექტი სტიქიის ფონდიდან 400 000 ლარით დაფინანსდა.

ლეღვანში 7 ივნისს მომხდარი სტიქიის შედეგად ადიდებულმა მდინარემ ორი ხიდი წაიღო.

ბურჯანაძეების უბანში დროებითი ხიდის კონსტრუქციის მოწყობილი.

„აქაჲს“ ჯიქით და „აქაჲს“ გავიხსენო...

დიდი რუსთველის შეგონება „რაცა ღმერთსა არა სწადდეს, არა საქმე არ იქნებას“ ბევრჯერ გამოიყენებია საგაზეთო წერილსა თუ საზოგადოებასთან შეხვედრისას. ეს ლეტიური ქვეყნის რედაქციის კიდევ ერთხელ ვინამეთ 26 – 27 ოქტომბერს სოფელ ლორეში ხარაგაულის რეზო თაბუკაშვილის სახელობის სახალხო ლიტერატურული თეატრის (ხელმძღვანელი იზა ვეფხვაძე) მიერ ორგანიზებულ მხატვართა პლენერზე, როცა უფლის მადლით ზემოდა ბუნებაც, ადამიანის ნიჭიერებაც, ქართული (ამჯერად იმერული!) სტუმარმასპინძლობაც და ყოველივე ის, რაც სიცოცხლის დასურსებლობაზე ნატვრას აღვიძრავს, მშვენიერ ნუთხით კვლავ შეხვედრის სურვილს გაგიძლიერებს...

„კოკროჩინა იმერეთი მართლაც ერთადერთია“ - კლამზე შემომიფრინდა ან განსვენებული ცნობილი ექიმისა და პოეტის თამაზ სანბლიძის იმერეთის სიყვარულით გაჯერებული ლექსის სტრიქონი. იმ დღეებში კი იმერეთის ულამაზეს სოფელ ლორეში „სიოც არ ქრის უსიყვარულოდ“ და იქ რომ ყოფილიყო პოეტთა მეფე გალაკტიონი, ღორების ცისა და მზის შემხედვარე, უეჭველად გაიმეორებდა „თანმზინდის მთვარის“ სტრიქონს: „ასე ჩუმი, ასე ნაზი, ჯერ ცა მე არ მახსოვს...“

შემოდგომის მზის ოქროსფერი სხივებით იყო გაბრწყინებული კვადორას ულამაზესი ხეობა. ჯადოსნური ფერები ფარნა-ატლასით მოსადავ ყოველ ფოთოლს, ხეს, ბუჩქს, ყვავილს, კორდას და მდელოს...

ცენტრალური გზიდან უბისასთან, ღორების გადასახვევთან, ბანერი „გამა - 2019“ მიმართულებას უჩვენებდა პლენერის მონაწილეებსა და იმ დღეებში სოფლის ყველა სასურველ სტუმარს.

ღორების მემორიალური მუზეუმისა და მისი დირექტორის, პავლე ჯიბუტის, ეზოებში საგანგებო ფუსფუსი იყო... იგრძნობოდა, რომ ყველა დიდ სიამოვნებასა და სიხარულთან შესახვედრად ემზადებოდა.

სტუმარების მოლოდინში

(ანუ უნებავს უპრობლემა დიპლომა - მოლოდინში მიმორიალური მუზეუმის მუშაობის მნიშვნელობა)

ღორების საჯარო სკოლის უმშვენიერესი შენობისა და მემორიალური მუზეუმის მიმდებარე პატარა მოედანზე სტუმრების მოლოდინში შეკრებილან: ხარაგაულის მუნიციპალიტეტის მერიისა და საკრებულოს წარმომადგენლები, მოსწავლეები, სტუდენტები, ადგილობრივი მცხოვრებლები, სოფლის ინტელიგენცია.

ჩემი მზერა მისწვდა ხელჯოხზე დაბჯინებულ თამაშურულვამ-გათეთრებულ ბერიკაცს, რომელიც აქეთ-იქით იყურებდა, ყველას ათვალიერებდა, შემდეგ ახალგაზრდების ჯგუფთან მიდის და ეკითხება:

-მიტხრეს, მუზეუმში პლენერი იყო და, თუ იცით, რისი პლენერი იყო აქა?

-არა, ბაბუ, პლენერი კი არა - პლენერია, მხატვართა პლენერი, - პასუხობს თამაქორთა, თვალგაბრუნებული ყმაწვილი (ჩანს, ღორების საჯარო სკოლის მოსწავლეა).

-მერედა რა არი ე პლენერი? - ჩაიბიბას განაგრძობს მოხუცი.

-რა არის და - სუფთა პაერზე ხატვა!

-ვინ გითხრა შენ ეგე?

-ვინ და - ჩვენმა მასწავლებელმა ავგისხნა, რომ პლენერი ფრანგული სიტყვაა და ქართულად სუფთა პაერს ნიშნავს. ჰოდა, ბაბუ, საქართველოს სხვადასხვა კუთხიდან ეწვევიან დღეს მხატვრები



ღორეშას და სუფთა პაერზე, ბუნებაში, დაგვიხატავენ ჩვენი სოფლის ულამაზეს სურათებს - აბაა! ის კი არა, თურმე ადამიანებსაც კი დახატავენ, ვინც განსაკუთრებით მოეწონებათ. ახლა კი აქეთ მონით, ბაბუ, ჭიჭიკართან, მალე მობრძანდებიან ისინი და საკუთარი თვალთ დაინახავ, - ბოლომდე იზრუნა ჭაბუკმა მოხუცზე.

„უყურედ შენ, რაღა ყოველიფერი იცინა ამ ბოჭმებმა! - კმაყოფილი მიუბრუნდა მოხუცი გვერდით მდგომ შუახნის მამაკაცს.

-ეჰ, შენი მამგონი მეისპო, ოხერო სიკვტილო, რა დროს აღარ მყავს ჩემი კაცი ცოცხალი! მე შენ გეტყვი, სიბაღე, მხარ-ბეჭი, წვერ-ულაში და სიტყვა-პასუხი არ -მეწონებოდათ მისი. დახატავენ, ნამდვილად დახატავენ ჩემ კაცს! - სინანულით თავისთვის ჩაილაპარაკა ხანდაზმულმა ქალბატონმა და ისიც ჭიჭიკარისკენ გადაადგილდა...

ცოტა ხანიც და კომფორტული ავტობუსებისა და მსუბუქი მანქანების ნაკადმა დაფარა პატარა მოედანი, ხოლო დამხვედრი მასპინძელი სიყვარულითა და იმერული გამორჩეული პენით მიეგებნენ სასურველ სტუმრებს. აი ისინიც-მხატვრები: ილო პატაშური, შალვა გერაძე, ალექსანდრე ხუბუა, ვალერი ჯობავა, ვალერი ჩარვაზია, ალექსანდრე თოდუა, ნუგზარ ლაცაბიძე, თემურ თაღუმაძე, დავით ფიცხელაური, ლევან გოგიტიძე, გიორგი ყვავაძე, რომეო ლეკვიშვილი, მალხაზ ცისკაძე, დავით სულაქველიძე, დავით ტაბატაძე, ანზორ თოდუა, ზურაბ გაბუნია; კომპოზიტორი მაცყვალა ხორბალაძე, საოპერო მომღერალი ბაია გრიგოლია, „მთავარი რადიოს“ ჟურნალისტი ელენე ტუშური.

შეხვედრის შემდეგ საზოგადოებამ მემორიალური მუზეუმის წინ გადაინაცვლა. ეზოს ეფინება პლენერისათვის სპეციალურად შექმნილი ჰიმნის სასიამოვნო ჰანგები (ტექსტის ავტორი იზა ვეფხვაძე, მუსიკა მაიკო მარაბლისა, ასრულებს „ივერიის“ სოლისტი ციური მჭედლიძე).

„გამას“ დრომას აღმართავს უხუცესი მხატვარი ილო პატაშური. ამ შთამბეჭდავ ფონზე „გამა-2019-ს“ გახსნილად აცხადებს პროექტის ავტორი, ლიტერატურული თეატრის მესაჭე იზა ვეფხვაძე და საზოგადოებას ცალ-ცალკე წარუდგენს თითოეულ სტუმარს მათი დამსახურებისა და სტატუსის შესაბამისად. შემდეგ აცხადებს იმ ოჯახებს, რომლებიც უშუალოდ უმასპინძლებენ შემოქმედ ადამიანებს.

მხატვრები დალოცა მამა პეტრემ (კურტანიძე), რომლის

წვლილიც მუზეუმის დირექტორ პავლე ჯიბუტის ოჯახთან ერთად გამორჩეული ამ უმშვენიერესი ღონისძიების სრულყოფაში.

სტუმრებს წარმატებები უსურვეს ბაღდათი-ხარაგაულის მაჟორიტარმა დეპუტატმა კობა ლურსმანაშვილმა, მუნიციპალიტეტის მერმა ნიკოლოზ თოფურიძემ, საკრებულოს თავმჯდომარის მოადგილე რუსუდან გიორგაძემ.

ამაღლებელი და კიდევ უფრო შთამბეჭდავი იყო „გამა-2019-ის“ მეორე დღე, როცა მასპინძელი ოჯახებიდან საუკეთესო ნამუშევრებით ხელდამშვენებულები დაბრუნდნენ ჩვენი სტუმრები. კვლავ საზიჸო ვითარებაში მოხდა მათ მიერ შექმნილი სურათების წარმოდგენა და შემდეგ დაჯილდოება. სიგელებითა და ფასიანი საჩუქრებით აჯილდოებენ სტუმრებს: ხარაგაულის მუნიციპალიტეტის მერია და საკრებულო, მაჟორიტარი დეპუტატი, საგანმანათლებლო რესურსცენტრი, კულტურისა და ხელოვნების ცენტრი, ზრდასრულთა განათლების ცენტრი, დეპუტატები: დავით კიკნაძე, პაატა გოგოლაძე, ოთარ ლურსმანაშვილი, ვარლამ ჭიბაშვილი, ლენა აბაშიძე, აკაკი ლურსმანაშვილი. დაბის მესამე საჯარო სკოლის მეთორმეტე კლასის მოსწავლე აბანდა ავალიშვილი.

სტუმრებმა სამადლობლო სიტყვები არ დაიშურეს მასპინძელთა და ღონისძიების ორგანიზატორთა მიმართ.

ვსარგებლობ შემთხვევით და ჩვენი მშობლიური კუთხის ძირძველი ადათ-წესების დაცვისა და მართლაც სანაქრო მასპინძლობისათვის მადლობას ვუხდით: სასულიერო ცხოვრების „კეთილ მწყემსს“ მამა პეტრეს (კურტანიძე), პავლე ჯიბუტსა და მის ოჯახს, კახა გაბუნას, ჯემალ გაბუნას, შალვა კურტანიძეს, ნანა მჭედლიძეს, ბახვა სამხარაძეს, დავით ბუნიაშვილს, ლენა სამხარაძეს, რომელთა ოჯახებმაც საუკეთესო პირობები შეუქმნეს ხელოვან ადამიანებს შემოქმედებითი პროცესისათვის. გაცნობებთ, რომ ტრადიციულად ნამუშევრები გადაეცემა ლიტერატურულ თეატრს და გამოიფინება მის დარბაზში.

აღნიშნულ სასიამოვნო ნუთხებ აკომპანიერებს უწევდა ცნობილი კომპოზიტორი მაცყვალა ხორბალაძე, მონწეული საზოგადოება მოიხიბლა საოპერო მომღერალ ბაია გრიგოლიას მიერ შესრულებული მუსიკალური ნომრებით.

...ნელ-ნელა დაბლა ეშვება „გამას“ დროშა, უღერს ჰიმნი და ქალბატონი იზა დახურულად აცხადებს „გამა-2019-ს.“

ანონსის სახით:

მომავალი წელი განსაკუთრებულია ხარაგაულის რეზო თაბუკაშვილის სახელობის სახალხო ლიტერატურული თეატრისათვის, მას „დავაჟცავების“ თარიღი - 25 წელი უსრულდება, შედარებით „ორჩია“ მხატვართა პლენერი „გამა,“ ის ხუთწლიანი იუბილეს იდეასანაშულებს...

თეატრის დიდმა მეგობარმა, ნამდვილად ღირსეულმა ქართველმა, ბახვა სამხარაძემ, შესთავაზა „გამას“ პროექტის ავტორს, ქალბატონ იზა ვეფხვაძეს, „გამა-5-ს“ მომავალი წლის ზაფხულში უმასპინძლოს საკუთარ ეზო-კარში, მართლაც ამქვეყნიურ სამოთხეში, სოფელ დიდ განთიადში (ამჟამად სოფელი საშება).

მომავალ საიუბილეო შეხვედრამდე, ძვირფასო სტუმარ-მასპინძლებო!

მერი გიორგიძე

ეპიტაფი ბიუჯეტის ცხრა თვის შესრულების შესახებ ინფორმაცია მოისმინეს



18 ნოემბერს გამართულ ბიუროს სხდომაზე საფინანსო-საბიუჯეტო სამსახურის უფროსმა ვლადიმერ გელაშვილმა 2019 წლის ბიუჯეტის ცხრა თვის შესრულების შესახებ დეპუტატებს ინფორმაცია წარუდგინა. მომხსენებლის განმარტებით, საანგარიშო პერიოდში ბიუჯეტი შემოსულობების ნაწილში გა-

ნისაზღვრა 13 922.3 ათასი ლარით, ხოლო ფაქტობრივად მიღებულია 10 505.2 ათასი ლარი. რაც შეეხება გადასახადებს, ის 10 056.8 ათას ლარს შეადგენს, გადასახადებები დაფინანსებულია მხოლოდ 58,0 %-ით. ვლადიმერ გელაშვილის თქმით, სახელმწიფო ბიუჯეტიდან მისაღები ტრანსფერებიდან ცხრა თვეში დაგეგმილი იყო 6 995,6 ათასი ლარი. მიღებულმა კი შეადგინა 3 869.9 ათასი ლარი, რაც 55,3 %-ია. მან ასევე ისაუბრა მიზნობრივ ტრანსფერზე და აღნიშნა, რომ დელეგირებული უფლებამოსილებების განსახორციელებლად მიღებულია 103,5 ათასი ლარი, ხოლო სახელმწიფო ფონდებიდან გამოყოფილი ტრანსფერები ცხრა თვეში დაგეგმილი 6892,1 ათასი ლარიდან მიღებულია 3766,4 ათასი ლარი. როგორც მოხსენებით ბარათიდან

ირკვევა, მიმდინარე წელს მუნიციპალიტეტის ბიუჯეტი სხვა შემოსავლების ნაწილში განისაზღვრა 2 406,4 ათასი ლარით, ფაქტობრივად კი მიღებულია 2 596,4 ათასი ლარი, რამაც გეგმის 107,9 %-ით შესრულება განაპირობა. საფინანსო-საბიუჯეტო სამსახურის უფროსი განმარტავს, რომ არაფინანსური აქტივების კლებიდან ცხრა თვეში დაგეგმილი 30,5 ათასი ლარიდან შემოსულია 22,3 ათასი ლარი. აქედან 17,3 ათასი ლარი ძირითადი ქონების გაყიდვიდან და 5,0 ათასი ლარი მიწების გაყიდვიდან. რაც შეეხება სარეზერვო ფონდს, განისაზღვრებოდა 50,0 ათასი ლარით. მიმდინარე წლის ცხრა თვეში მუნიციპალიტეტის სარეზერვო ფონდიდან თანხის განკარგვის მიზნით შექმნილი კომისიის რეკომენდაციის საფუძველზე, მერის ბრძანებით, განაწილებულია 28.5 ათასი ლარი.

წარმოდგენილ მოხსენებით ბარათში ასევე ვკითხულობთ, რომ თავდაცვის ხარჯების დასაფინანსებლად დაგეგმილი 67.3 ათასი ლარიდან დახარჯულია 56,7 ათასი ლარი. ინფრასტრუქტურულ პროექტებზე დაგეგმილი 11 466.3 ათასი ლარიდან დახარჯულია 5 114,0 ათასი ლარი. მუნიციპალიტეტის მოსახლეობის ჯანმრთელობის დაცვისა და სოციალური უზრუნველყოფის პროგრამაზე ცხრა თვეში დაგეგმილი 837,2 ათასი ლარიდან განეულია 654,2 ათასი ლარის ხარჯი.

უფრო ვრცლად დეპუტატები 2019 წლის ბიუჯეტის ცხრა თვის შესრულების შესახებ 2 დეკემბერს გამართულ საკრებულოს მორიგ სხდომაზე იმსჯელებენ.

თამარ მაღრაძე

წალვერის საჯარო სკოლაში სპექტაკლი „ჩვენი ოტია“ გაიმართა

წალვერის საჯარო სკოლა გულიანად ემზადებოდა საპატიო სტუმრის დასახვედრად. დიდი მამულიშვილის, ხარაგაულის რეზო თაბუკაშვილის, სახელობის სახალხო ლიტერატურული თეატრის მასპინძლები გაეხდით. სცენარისტმა და რეჟისორმა, ქალბატონმა იზა ვეფხვაძემ, სპექტაკლი „ჩვენი ოტია“ ჩამოგვიტანა, საკუთრივ ახალგაზრდებისთვის გათვლილი. ოტია იოსელიანი, ეს ყველასთვის კოლორიტული, დასამახსოვრებელი ადამიანი, თავისი ჩიბუხით იდგა (ნახატი) წალვერის სკოლის საკლასო ოთახში და გასაოცარი რუდუნებით „ჰყვებოდა“ „მდულარეგადახსმულ,“ მწარე ბავშვობას...

ქალბატონმა იზამ, ნიჭიერებითა და ამავედროულად მოკრძალებით, ყოველი სიტყვა სიყვარულით მიიტანა მოსწავლეების გულბამდე. აუდიტორია ყურადღებით უსმენდა ოტიას ცხოვრების პასაჟებს და, ალბათ, ცრემლიც მაგიტომ ჰქონდა გულწრფელად აჩქარებულ გულისცემისთან შეთანხმებით.

წინო ჩუბნიძე, მოსწავლე: „არასდროს დამავიწყდება ამ ქალბატონის მეტყველება, ხმა და ის უამრავი ინფორმაცია, რაც ბატონ ოტიაზე აქამდე არ ვიცოდი. იმდენად ემოციური იყო ზოგი ეპიზოდი, რომ ცრემლისაგან თავი



ვერ შევიკავებ ბავშვებმა. თან გაოცებულები ვუსმენდით, არაფერს ვკითხულობდა და ამდენს ასე შეუცდომლად საუბრობდა.“

ქალბატონ იზას ახლდა ხარაგაუელთა, ვიტყვოდი, სიამყე, გულიანი წერილების ავტორი, ღვანლმოსილი პედაგოგი -მერი გიორგიძე, რომლის ერთი სიტყვითაც

კარგად გაიგებდით მის დამოკიდებულებას, სიყვარულს, მზრუნველობას თავისივე მოსწავლისადმი.

ჩვენი ბოროტობა ქალბატონი იზა რამდენჯერმე გახლდათ ჩამოსული სპექტაკლებით გორდამი ჩოხელსა და მერაბ კოსტავაზე. ამჯერად კი, ამ დღის მიზანი დიდი ქართველის წარმოჩინება იყო. ახალგაზრდებმა უნდა იცოდნენ დიდი მამულიშვილების სახელები, მათი შემოქმედება, მათი ცხოვრების კრედი და ესოდენ სიყვარული ქვეყნისა. ოტიას მოსწავლეთა სიტყვა, ენაკვიმატი გვირისტით შეკრული ქართული სული, თუ სამართლიანი საყვედური, დღეს ისე გვჭირდება ქართველებს, როგორც არასდროს!

შეხვედრის დასასრულს, სამახსოვრო ფოტოებითა და ჩვენი სკოლისადმი დიდი სიმაპითებით გამსჭვალული სტუმრები გავაცილეთ. ნამდვილად, ქალბატონი იზა ვეფხვაძე არის მშვენიერ ეროვნულ სამოსელში, მისი ფიქრი და საქმე მხოლოდ სამშობლოს ერთგულებითაა შთაგონებული. მადლობა მას, რომ ასე უანგაროდ მიიღო ჩვენი მოწვევა და მომავალი თანამშრომლობისთვისაც დავსახეთ გზები.

მონიკა ჭანტურიძე
წალვერის საჯარო სკოლის პედაგოგი

სარგაულის მუნიციპალიტეტის 2020 წლის ბიუჯეტი გაცემის

საქართველოს საბიუჯეტო კოდექსის 77-ე მუხლის პირველი ნაწილისა და 96-ე მუხლის მეორე ნაწილის საფუძველზე საქართველოს ფინანსთა სამინისტრომ 2019 წლის 15 ივლისს N 04-03/76691 და 4 ოქტომბრის N 04-03/107272 ნერილებით ხარაგაულის მუნიციპალიტეტს აცნობა 2020-2023 წწ. ძირითადი საბიუჯეტო პარამეტრები და მაკროეკონომიკური პროგნოზები, კერძოდ: მთლიანი შიდა პროდუქტის ზრდა 2020 წლისათვის მოსალოდნელია 5%-ით, ხოლო მომდევნო 2021-2023 წლებში 5,5 %-ის ფარგლებში. 2020 წლისათვის ნაერთი ბიუჯეტით გათვალისწინებული პროგნოზირებული დამატებული ღირებულების გადასახადის 19% შეადგენს 1 016 500,0 ათას ლარს. ასევე ხარაგაულის მუნიციპალიტეტისათვის განისაზღვრა ქონების გადასახადიდან მისაღები შემოსავალი 1100,0 ათასი ლარი და მიზნობრივი ტრანსფერი 140,0 ათასი ლარი.

ფინანსთა სამინისტროს მიერ წინა 2019 წელს გამოყოფილ პარამეტრებთან შედარებით დღეს გეგმა გაზრდილია 568,6 ათასი ლარით, ქონების გადასახადის გეგმა 50,0 ათასი ლარით და მიზნობრივი ტრანსფერი 2,0 ათასი ლარით.

2020 წლის ბიუჯეტის შემოსულობები განისაზღვრა 8 178,0 ათასი ლარით. აქედან გადასახადები განისაზღვრა - 6 616,4 ათასი ლარით, მათ შორის:

- სანარმოთა ქონების გადასახადი - 200,0 ათასი ლარი;
- ქონების გადასახადი არასასოფლო-სამეურნეო დანიშნულების მიწაზე - 900,0 ათასი ლარი;
- დამატებითი ღირებულების გადასახადი - 5 516,4 ათასი ლარი;
- მიზნობრივი ტრანსფერი დელეგირებული უფლებამოსილების განსახორციელებლად - 140,0 ათასი ლარი;
- სხვა შემოსავლები - 1396,6 ათასი ლარი, მათ შორის:
- მოსაკრებელი ბუნებრივი რესურსებით სარგებლობისთვის - 50,0 ათასი ლარი;
- შემოსავალი მიწის იჯაროდან და მართვაში

(უზრუნველყოფი, ქირავნობა და სხვა) გადაცემიდან -55,0 ათასი ლარი;

- სანებართვო მოსაკრებელი - 1,6 ათასი ლარი;
- ადგილობრივი მოსაკრებელი დასახლებული ტერიტორიის დასუფთავებისათვის - 40,0 ათასი ლარი;
- ჯარიმები, სანქციები და საურავები - 1250,0 ათასი ლარი;
- 2020 წლის ბიუჯეტის გადასახადები განისაზღვრა 8 178,0 ათასი ლარით. აქედან: საკანონმდებლო და აღმასრულებელი ორგანოების დაფინანსება - 2,484,0 ათასი ლარი; ხარაგაულის მუნიციპალიტეტის საკრებულო - 627,0 ათასი ლარი; ხარაგაულის მუნიციპალიტეტის მერია - 1,757,5 ათასი ლარი; სამხედრო აღრიცხვისა და განვევის სამსახური - 81,5 ათასი ლარი; კადრების მომზადება-გადამზადებასთან, კვალიფიკაციის ამაღლებასა და სტაჟირებასთან დაკავშირებული ხარჯი -18,0 ათასი ლარი; საერთო დანიშნულების ხარჯები-119,0 ათასი ლარი; სარეზერვო ფონდი- 50,0 ათასი ლარი; საგზაო ინფრასტრუქტურის განვითარება - 587,3 ათასი ლარი; გზების კაპიტალური შეკეთება-507,3 ათასი ლარი; ხიდების, ბოგირების მშენებლობა, რეაბილიტაცია - 50,0 ათასი ლარი; მოსახლეობის საზოგადოებრივი ტრანსპორტით უზრუნველყოფა- 30,0 ათასი ლარი; წყლის სისტემის მოწესრიგება- 50,0 ათასი ლარი; სასმელი წყლით უზრუნველყოფა - 50,0 ათასი ლარი; გარე განათება - 135,5 ათასი ლარი; გარე განათების ქსელის ექსპლუატაცია - 135,5 ათასი ლარი; მრავალმიზანი სახლების რეაბილიტაცია - 80,0 ათასი ლარი; სოფლის მხარდაჭერი პროგრამა - 5,0 ათასი

ლარი;

- სოფლის მეურნეობის განვითარების ხელშეწყობა - 20,0 ათასი ლარი;
- დასუფთავება და ნარჩენების გატანა- 800,8 ათასი ლარი;
- მწვანე ნარგავების მოვლა-პატრონობა - 135,2 ათასი ლარი;
- უპატრონო ცხოველების მოვლითი ღონისძიებები- 8,5 ათასი ლარი;
- სოციალური დახმარებების ფუნქციონირება - 1,299,0 ათასი ლარი; ზოგადი განათლების ხელშეწყობა (ინტერნატი) - 67,0 ათასი ლარი; არაფორმალური განათლების პროგრამა (მოსწავლეთა სახლი) - 110,0 ათასი ლარი; სპორტის სფეროს განვითარება -385,0 ათასი ლარი; სპორტული ღონისძიებები - 10,0 ათასი ლარი; სპორტისა და შიდა ტურიზმის ხელშეწყობა -375,0 ათასი ლარი; კულტურის სფეროს განვითარება - 817,7 ათასი ლარი; კულტურის სფეროს დაწესებულებების ხელშეწყობა - 810,7 ათასი ლარი; სახელოვნებო განათლების ხელშეწყობა - 125,0 ათასი ლარი; კულტურისა და ხელოვნების ხელშეწყობა - 665,0 ათასი ლარი; ფოლკლორის ხელშეწყობის პროგრამა - 20,7 ათასი ლარი; კულტურული ღონისძიებების დაფინანსება -7,0 ათასი ლარი; მოქალაქეთა ჩართულობისა და ინფორმირების ხელშეწყობის პროგრამა - 50,0 ათასი ლარი; რელიგიური ორგანიზაციების ხელშეწყობა - 50,0 ათასი ლარი; ახალგაზრდობის მხარდაჭერა- 10,0 ათასი ლარი; საზოგადოებრივი ჯანმრთელობის დაცვა და უსაფრთხო გარემოს უზრუნველყოფა -125,0 ათასი ლარი; სოციალური დაცვა - 839,0 ათასი ლარი;

სამკურნალო და საოპერაციო ხარჯებით დახმარების პროგრამა -307,0 ათასი ლარი; კონსულტაციური იმპლანტირება მოსარგებლები პირთა დახმარება- 4,0 ათასი ლარი; შშმ პირთა დახმარების პროგრამა -35,0 ათასი ლარი; ერთჯერადი ფინანსური დახმარება-60,0 ათასი ლარი; ლეიკემიით დაავადებულთა და დიალიზზე მყოფი პირების დახმარება-23,0 ათასი ლარი; მრავალმიზანი ოჯახების დახმარების ქვეპროგრამა- 10,0 ათასი ლარი; მარტოხელა მშობლების დახმარების პროგრამა - 3,0 ათასი ლარი; მარჩენალდაკარგულთა დახმარების ქვეპროგრამა- 6,0 ათასი ლარი; ყოველთვიური დახმარების პროგრამა- 50,0 ათასი ლარი; საქართველოს ტერიტორიული მთლიანობისათვის ომი და დამსჯელი დახმარების პროგრამა-8,0 ათასი ლარი; ხანდაზმულთა დახმარების პროგრამა- 2,0 ათასი ლარი; სადღესასწაულო დღეებში დახმარება - 34,0 ათასი ლარი; სოციალურად დაუცველ და უპატრონო მიცვალებულთა სარიტუალო მოსახურების პროგრამა -10,0 ათასი ლარი; უკიდურესად გაჭირვებული ოჯახების სათბობი მასალით დახმარების პროგრამა- 6,0 ათასი ლარი; ახალშობილთა ოჯახების დახმარების ქვეპროგრამა- 30,0 ათასი ლარი; გარდაცვლილი დევენილის ან ვეტერანის დაკრძალვა- 1,0 ათასი ლარი; სტიქიური მოვლენების შედეგად დაზარალებული და მძიმე საცხოვრებელი პირობების მქონე ოჯახების დახმარება - 143,0 ათასი ლარი; უფასო სასადილო- 97,0 ათასი ლარი; სოციალური დაცვის ობიექტების რეაბილიტაცია და ინვესტირება უზრუნველყოფა - 10,0 ათასი ლარი;

მიმდინარე წელს სარგაულის მუნიციპალიტეტში მასშტაბური ინფრასტრუქტურული პროექტები

მიმდინარე წელს მუნიციპალიტეტის მასშტაბით, არაერთი ინფრასტრუქტურული პროექტი განხორციელდა. სამუშაოები ამ ეტაპზეც აქტიურ ფაზაშია. როგორც მერიის ინფრასტრუქტურისა და კეთილმოწყობის სამსახურში გვეუბნებიან, მიმდინარე წელს სტიქიის პრევენციული ღონისძიებებისათვის 248 897 ლარი გამოიყო. ამ თანხით მოხდა ხუთი პროექტის განხორციელება. ამ ეტაპზე კი

მიმდინარეობს დაბაში, ფარცხნალსა და სარგვეში ხიდებისა და სანიაღვრე არხების მოწყობა.

რაც შეეხება „სოფლის მხარდაჭერის პროგრამას“ ამ მიმართულებით მუნიციპალიტეტში 890 000 ლარი დაიხარჯება. ზემოხსენებული თანხით დაგეგმილი იყო 147 პროექტის განხორციელება. მათგან 120 პროექტი დასრულებულია, 20 -ზე სამუშაოები აქტიურ ფაზაშია, ხოლო შვიდ-

ზე ხელშეწყობა უკვე გაფორმებულია. მერიის ინფრასტრუქტურის სამსახურის ინფორმაციით, სამუშაოები მიმდინარე წლის ბოლომდე დასრულდება.

4 002 070 ლარი გამოიყო ხარაგაულის მუნიციპალიტეტს, რეგიონული განვითარების ფონდიდან ინფრასტრუქტურული პროექტებისათვის, რომლის ფარგლებშიც გათვალისწინებული იყო 21 პროექტის განხორციელება. ამ-

ჟამად რვა დასრულდა, ასევე დასრულების ეტაპზეა რვა პროექტი. ხუთზე კი შერჩევა - შეფასების ეტაპი მიმდინარეობს.

აღსანიშნავია, რომ წელს დაიწყო დაბის ჩიხების რეაბილიტაცია, რომელზეც რეგიონული განვითარების ფონდიდან 287 161 ლარი გამოიყო. ამ თანხით კი შპს „ზუბამ“ და შპს „საპოვნელა პლუსმა“ 21 ჩიხი უნდა აღადგინოს.

მოღიწევი-ფონა-ჩუმათელეთის გზის რეაბილიტაცია დაიწყო

ხარაგაულის მუნიციპალიტეტში შიდა სახელმწიფოებრივი მნიშვნელობის მოღიწევი-ფონა-ჩუმათელეთის გზის 25 -კილომეტრიანი მონაკვეთის სარეაბილიტაციო სამუშაოები აქტიურად მიმდინარეობს.

აღნიშნული მონაკვეთი ძირულა-ხარაგაული-მოღიწევი-ფონა-ჩუმათელეთის 50 -კილომეტრიანი გზის მეორე ლოტია. მოღიწევი-ფონა-ჩუმათელეთის გზაზე

სარეაბილიტაციო სამუშაოები ჩუმათელეთის მხრიდან დაიწყო. ამ ეტაპზე საყრდენი კედლების, გაბიონებისა და მილბინების მოწყობა ერთდროულად რამდენიმე ლოკაციაზე მიმდინარეობს.

სამუშაოებს ახერხებენ კომპანია „აკორდი“ ასრულებს.

სახელმწიფოებრივი პროექტით, 25 -კილომეტრიანი გზის სრული რეაბილიტაცია 2020 წელს უნდა დასრულდეს.

რიკოტის საუღელტეხილო გზის მშენებლობის დასრულება და გვირაბების მშენებლობა აქტიურ ფაზაშია

რიკოტის საუღელტეხილო გზის მშენებლობა, ინტენსიურ რეჟიმში მიმდინარეობს. აღნიშნული პროექტი, საინჟინრო თვალსაზრისით, ევროპაში ერთ - ერთი ურთულესია, ამიერკავკასიაში კი მსგავსი მასშტაბის პროექტი ჯერ არ განხორციელებულა.

ამ დროისთვის აქტიური სამშენებლო სამუშაოები რიკოტის საუღელტეხილო გზის ხევი-უბისის 12,2 კმ-იან და უბისა-შორაპნის 13 კმ-იან მონაკვეთებზე მიმდინარეობს. ხევი-უბისის მონაკვეთზე სამობილიზაციო სამუშაოების 75%-ზე მეტი დასრულებულია და დარჩენილი რესურსების მობილიზება ხდება. აღნიშნულ მონაკვეთზე 20 გვირაბიდან სამუშაოები მიმდინარეობს 7 გვირაბზე და 35 ხიდთან- 11 ხიდზე. ხოლო უბისა-შორაპნის მონაკვეთზე სამუშაოები 6 გვირაბსა და 5 ხიდზე ხორციელდება, ამასთანავე გრძელდება სხვა ტიპის სამუშაოები.

რაც შეეხება დანარჩენ მონაკვეთებს, ხელშეკრულება უკვე გაფორმდა ჩუმათ-

ელეთი-ხევის მონაკვეთზე, სადაც სამობილიზაციო სამუშაოები უკვე მიმდინარეობს. ხოლო შორაპანი-არგვეთას მონაკვეთზე სატენდერო წინადადებების შერჩევა-შეფასება ხდება.

რიკოტის საუღელტეხილო გზის მშენებლობის ფარგლებში, საერთო ჯამში, დაგეგმილია 51,6 კმ-მდე სიგრძის გზის მშენებლობა, რომელიც 96 ხიდსა და 53 გვირაბს მოიცავს. სარეაბილიტაციო სამუშაოების დასრულება 2022 წლისთვის იგეგმება.

ახალი გზა ითვალისწინებს საგზაო უსაფრთხოების ყველა თანამედროვე სტანდარტს, ხოლო მისი პარამეტრები უზრუნველყოფს სიჩქარის გაორმაგებას უსაფრთხოების სრული დაცვით, რაც საბოლოო ჯამში აღმოსავლეთ-დასავლეთის მგზავრობის დროს გაანახევრებს. პროექტი უმნიშვნელოვანესია ქვეყნის განვითარებისათვის.

ქაპ შპსიძე

ახალგაზრდა მოყვარული მხატვრები დაჯილდოვდნენ



ხარაგაულის კინოთეატრში ახალგაზრდა მოყვარულ მხატვართა კონკურსში „შემოდგომის პალიტრა“ გამარჯვებულების დაჯილდოება მოეწყო. კონკურსში მონაწილეობა მუნიციპალიტეტის საჯარო სკოლების მოსწავლეებმა მიიღეს. გამარჯვებულები კომპეტენტურმა ჟიურმა გამოავლინა. ღონისძიება მერიის კულტურის, განათლების, სპორტისა და ახალგაზრდულ საქმეთა სამსახურისა და ხარაგაულის საგანმანათლებლო რესურსცენტრის ორგანიზებით ჩატარდა. ახალგაზრდა მხატვრებს სამადლობელი სიგელები და ფასიანი საჩუქრები გადაეცათ.

კონკურსში გამარჯვებულები საფეხურების მიხედვით გამოვლინდნენ.

I საფეხური:
პირველი ადგილი - რუსუდან ფანჩიე-

ძე - (კიცხის საჯარო სკოლა, მე-5 კლასი); მეორე ადგილი - მარიამ ნიქაბაძე - (წმინდა ანდრია პირველწოდებულის სახელობის სასულიერო გიმნაზია, მე-5 კლასი); მესამე ადგილი - ლიზი კვინიკაძე - (მოღიწის საჯარო სკოლა, მე-6 კლასი).

II საფეხური:
პირველი ადგილი - ნანა მდინარაძე - (კიცხის საჯარო სკოლა, მე-7 კლასი); მეორე ადგილი - ლუკა ყრუაშვილი - (წმინდა ანდრია პირველწოდებულის სახელობის სასულიერო გიმნაზია, მე-11 კლასი); მესამე ადგილი - თამარ შათირიშვილი - (ლეღვის საჯარო სკოლა, მე-11 კლასი).

III საფეხური:
პირველი ადგილი - თეონა ჭიპაშვილი - (წმინდა ანდრია პირველწოდებულის სახელობის სასულიერო გიმნაზია, მე-8 კლასი); მეორე ადგილი - მარიამ მდინიშვილი - (წმინდა ანდრია პირველწოდებულის სახელობის სასულიერო გიმნაზია, მე-8 კლასი); მესამე ადგილი - ნინო არევაძე - (მარე-ლისის საჯარო სკოლა, მე-9 კლასი).

ნომინაციაში „უიურის სიმპათია“ დასახელდნენ: მარიამ ტაბატაძე და ეკატერინე ბუაჩიძე.

ქაპ შპსიძე

გაცხადება

გაზეთის წინა, 30 ოქტომბრის, ნომერში წერილში „ვაზის სამომავლო სიცოცხლეს, მის აღორძინებას მიეძღვნა“ დეგუსტაციის ჩამონათვალში გამორჩენილია გივი ფურცელაძე, რომლის მიერ წარმოდგენილია ციკლის ღვინომ მალალი შეფასება დაიმსახურა.